



საგანმანათლებლო პროგრამების აკრედიტაციის საბჭოს

გადაწყვეტილება № 277

2019 წ. "24" 12

ქ.თბილისი

შპს - საქართველოს უნივერსიტეტის „ბიზნესის ადმინისტრირების“ სადოქტორო საგანმანათლებლო პროგრამის აკრედიტაციის შესახებ

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „საგანმანათლებლო დაწესებულებების საგანმანათლებლო პროგრამების აკრედიტაციის დებულების“ (შემდგომში - აკრედიტაციის დებულების) 27² მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ თუ აკრედიტაციის დებულების 27⁶ მუხლის პირველი პუნქტის „ბ“ ქვეპუნქტის შესაბამისად, საგანმანათლებლო პროგრამის პირველი და ყოველი მომდევნო აკრედიტაციის შემთხვევაში, საგანმანათლებლო პროგრამა აკრედიტაციის სტანდარტებთან შესაბამისობის შეფასებისას ერთ სტანდარტთან მიმართებით მაინც შეფასდა, როგორც „მეტწილად შესაბამისობაშია სტანდარტის მოთხოვნებთან“ და არცერთ სტანდარტთან მიმართებით არ შეფასდება, როგორც „ნაწილობრივ შესაბამისობაშია სტანდარტის მოთხოვნებთან“ ან „არ არის შესაბამისობაში სტანდარტის მოთხოვნებთან“ და დაწესებულებას განუსაზღვრავს ვადას მიღებული რეკომენდაციების შესრულების თაობაზე ანგარიშის წარსადგენად, რაც აისახება საბჭოს სხდომის ოქმში.

თავმჯდომარე

მდივანი

2. აღწერილობითი ნაწილი და დასაბუთება

2.1. 2019 წლის 14 აგვისტოს შპს - საქართველოს უნივერსიტეტმა სსიპ - განათლების ხარისხის განვითარების ეროვნულ ცენტრში (შემდგომში - ცენტრი) წარმოადგინა №03-8481 (ცენტრში რეგისტრაციის №1047106, 2019 წლის 14 აგვისტო,) სააკრედიტაციო განაცხადი „ბიზნესის ადმინისტრირების“ სადოქტორო საგანმანათლებლო პროგრამაზე.

2.2. ცენტრის დირექტორის 2019 წლის 8 ოქტომბრის №935 ბრძანების საფუძველზე, შპს - საქართველოს უნივერსიტეტი ცნობილ იქნა აკრედიტაციის მაძიებლად. ცენტრის დირექტორის 2019 წლის 22 ოქტომბრის №984 ბრძანებით შეიქმნა აკრედიტაციის ექსპერტთა ჯგუფი, რომელმაც 2019 წლის 5 ნოემბერს განახორციელა სააკრედიტაციო ვიზიტი შპს - საქართველოს უნივერსიტეტში, ხოლო 2019 წლის 03 დეკემბერს წარმოადგინა აკრედიტაციის ექსპერტთა დასკვნა, რომლის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა		✓		
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა		✓		
3. სტუდენტთა მიღწევები, მათთან ინდივიდუალური მუშაობა	✓			
4. სწავლების რესურსებით უზრუნველყოფა		✓		
5. სწავლების ხარისხის განვითარების შესაძლებლობები		✓		

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

თავმჯდომარე

მდივანი

2.4. ზეპირი მოსმენა გაიმართა 2019 წლის 24 დეკემბერს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე სხდომაზე დაინტერესებული მხარის ზეპირი პოზიციის მოსმენის საფუძველზე, საბჭომ სრულად გაიზიარა ექსპერტთა დასკვნაში ასახული შეფასება.

3. სარეზოლუციო ნაწილი

“უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის და მე-2 პუნქტის „ა“ ქვეპუნქტის, აკრედიტაციის დებულების 27² მუხლის პირველი პუნქტის, 27⁵ მუხლის პირველი პუნქტის „ა“ ქვეპუნქტის, მე-5 პუნქტის, 27⁶ მუხლის პირველი პუნქტის „ბ“ ქვეპუნქტის, საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ, კენჭისყრის შედეგად, ერთხმად

გადაწყვიტა:

1. დაკმაყოფილდეს შპს საქართველოს უნივერსიტეტის 2019 წლის 14 აგვისტოს №1047106 (ცენტრში რეგისტრაციის №1047106, 2019 წლის 14 აგვისტო,) სააკრედიტაციო განაცხადი და დანართი №1-ით გათვალისწინებულ საგანმანათლებლო პროგრამას 7 წლის ვადით მიენიჭოს აკრედიტაცია.

2. ცნობილ იქნას აკრედიტაციის ექსპერტთა ჯგუფის დასკვნა შპს - საქართველოს უნივერსიტეტის „ბიზნესის ადმინისტრირების“ სადოქტორო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი №2).

3. ცნობილ იქნას საბჭოს 2019 წლის 24 დეკემბრის №72 სხდომის ოქმის №05 ნაწილი ამ გადაწყვეტილების განუყოფელ ნაწილად (დანართი №3).

4. საბჭომ გაიზიარა შემდეგი რეკომენდაციები:

ა) გამოიკვეთოს პროგრამის მთავარი მიზანი და განისაზღვროს იგი სადოქტორო განათლების ძირითადი კომპონენტების გარშემო, რითაც თავიდან იქნება აცილებული ნებისმიერი არასწორი კომუნიკაცია საერთაშორისო აკადემიურ და კვლევით საზოგადოებასთან;

ბ) პროგრამის მიზნის შესახებ სტუდენტებს, პერსონალს, ასევე მოწვეულ პერსონალსა და ხელმძღვანელებს როგორც უნივერსიტეტში, ისე მის ფარგლებს გარეთ მიეწოდოს ინფორმაცია, რათა უზრუნველყოფილ იქნეს პროგრამის სტრუქტურის, შინაარსის შესაბამისობა მის მიზანთან და გაზიარება ძირითად ჩართულ მხარეებს შორის;

გ) ჩამოყალიბდეს დაინტერესებული მხარეების სათანადო ჯგუფი, რომელიც სპეციალურად იქნება შერჩეული სადოქტორო პროგრამისათვის;

დ) გაფართოვდეს სწავლის შედეგები, რათა მან მოიცვას ინტერანციონალიზაციის მოთხოვნები და ICT უნარები კვლევისათვის;

ე) პროგრამის აღწერასთან დაკავშირებით უზრუნველყოფილ იქნეს ყველა საინფორმაციო წყაროს თანმიმდევრულობა;

ვ) იმ სტუდენტებისთვის, რომლებსაც აქვთ ძლიერი აკადემიური პროფილი, მაგრამ არ უსწავლიათ ბიზნესის ადმინისტრირება მაგისტრატურის დონეზე შემოდებულ იქნეს სავალდებულო მოსამზადებელი კურსები;

ზ) ბიზნესისა და ადმინისტრირების მეცნიერებათა ფაკულტეტმა უნდა მოიპოვოს „მესაკუთრეობა“ პროგრამის სასწავლო კომპონენტზე. სხვა სკოლების მიერ შემოთავაზებული კურსები უნდა გადაიხედოს და მოვიდეს შესაბამისობაში სადოქტორო პროგრამის პროფილთან ბიზნესის ადმინისტრირებაში;

თავმჯდომარე

მდივანი

თ) IT უნარები კვლევისათვის (მაგ. მონაცემთა მეცნიერება რაოდენობრივი კვლევისათვის ან თვისობრივი მონაცემების ანალიზი პროგრამული უზრუნველყოფა) ასევე უნდა იქნეს გათვალისწინებული პროგრამის გაუმჯობესებაში, რადგან ისინი დამსაქმებელთა მოთხოვნის შესაბამისად დადგინდა პრიორიტეტებად დოქტორანტებისათვის;

ი) სტუდენტებს მოეთხოვოთ ორი ნაშრომის გამოქვეყნება ინგლისურ ენაზე, როგორც სადოქტორო დისერტაციის დაცვის წინაპირობა, რათა დაეხმაროს სტუდენტს ინგლისურენოვანი უნარების განვითარებაში და ამავე დროს გაიზარდოს კვლევის შედეგების გავრცელება;

კ) შპს- საქართველოს უნივერსიტეტის სამეცნიერო ჟურნალები ან საერთაშორისო კონფერენციები არ უნდა ჩაითვალოს დისერტაციის დაცვის ერთ-ერთ წინაპირობად; შესასრულებლად;

ლ) კურსი „კვლევის ხარისხობრივი მეთოდები“ უნდა ადაპტირდეს ბიზნესში კვლევის მეთოდოლოგიების მისაღწევად ხარისხობრივ ტექნიკაზე აქცენტირებით და გაუმჯობესდეს ინფორმაციული სისტემების დახმარებით ხარისხობრივი ანალიზისათვის;

მ) შენარჩუნებულ იქნეს პროგრამის სასწავლო კურსი „ტექსტის მითითება და თარგმნა“, რომელიც დაკავშირებულია დოქტორანტის აკადემიური წერის უნარებთან. კურსის დატვირთვის შემცირება 5 კრედიტამდე, გამოათავისუფლებს ადგილს პროგრამის პროფილთან დაკავშირებული კურსების შესათავაზებლად;

ნ) „ბიზნესის ადმინისტრირების სპეციალიზაციის მოდულის“ სწავლის შედეგები უნდა იყოს გამოხატული ისე, რომ კურსი მოეგოს დოქტორანტების კონკრეტულ სამეცნიერო პროფილებს;

ო) ჩამოყალიბდეს მოთხოვნები ორი სტატიიდან მინიმუმ ერთი სტატიის გამოქვეყნებაზე, მაღალი იმპაქტ-ფაქტორის მქონე ინგლისურენოვანი საერთაშორისო სამეცნიერო ჟურნალების ჩამონათვალის შექმნით, რადგანაც ყველა ინდექსირებული ჟურნალი ან/და კონფერენცია არ არის იგივე სამეცნიერო ხარისხის;

პ) ფაკულტეტმა უნდა გაწიოს ძალისხმევა ინტერნაციონალიზაციის გასაზრდელად. მაგ. ევროპისა და სხვა უნივერსიტეტების მიერ ERASMUS + პროგრამის ფარგლებში ან დამოუკიდებლად შემოთავაზებული მოკლევადიანი „საზაფხულო სკოლები“ დოქტორანტებისათვის;

ჟ) აკადემიურმა პერსონალმა ყურადღების ცენტრში უნდა მოაქციოს სამეცნიერო ნაშრომების პუბლიკაცია ჟურნალებსა და საკონფერენციო მასალებში, რომელიც ხელმისაწვდომია საერთაშორისო სამეცნიერო საზოგადოებისათვის, რათა გაიზარდოს კვლევის შედეგების საერთაშორისო გამოცდილება;

რ) პროგრამის მატერიალური ბაზა უნდა გაფართოვდეს, რათა მოიცვას უფრო მეტი პროგრამული ინსტრუმენტი, რომლებიც შეიძლება დასჭირდეთ დოქტორანტებს კვლევისათვის;

ს) პროგრამის შეფასებასა და შემუშავებაში დამსაქმებელთა ჩართულობა უნდა გაუმჯობესდეს და გახდეს უფრო არსებითი;

ტ) უზრუნველყოფილ იქნეს დოქტორანტურის საკითხების სასწავლო კომპონენტზე მორგება არა მხოლოდ კურსების დამატებით/ამოღებით, არამედ ასევე კურსების პროფილის დიფერენციაციით, რათა უკეთ მოერგოს ბიზნესის ადმინისტრირების სადოქტორო პროგრამის საჭიროებებს.

5. ანგარიშის წარმოდგენის ვადად განისაზღვროს 6 თვე - 2020 წლის 16 ივლისამდე.

6. საბჭოს აღნიშნული გადაწყვეტილება ძალაში შევიდეს მისი ცენტრის ვებ-გვერდზე (www.eqe.ge) გამოქვეყნების დღეს - 2020 წლის 15 იანვარი.

7. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24¹ მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ. თბილისი, მ. ალექსიძის ქ. №2, ან თბილისის საქალაქო სასამართლოს ადმინისტრაციულ საქმეთა კოლეგიაში

თავმჯდომარე

მდივანი

სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი, მე-12 კილომეტრი, №6, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე (www.eqe.ge) გამოქვეყნების დღიდან, ერთი თვის ვადაში.

სხდომის თავმჯდომარე

საბჭოს მდივანი



გიორგი ამილახვარი

ნინო ლიპარტია

№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება ¹	ბიზნესის ადმინისტრირება
2	ერთობლივი უმაღლესი საგანმანათლებლო პროგრამა	-
3	სტატუსი ²	აკრედიტებული
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	2014 წლის 24 დეკემბერი, №298
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება ³	-
6	უმაღლესი განათლების საფეხური ⁴	დოქტორანტურა
7	კვალიფიკაციის დონე ⁵	მერვე
8	კვალიფიკაციის დასახელება	ბიზნესის ადმინისტრირების დოქტორი
9	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით ⁶	-
10	დეტალური სფეროს დასახელება და კოდი (ISCED – F – 2013)	0413 მენეჯმენტი და ადმინისტრირება
11	კვალიფიკაციის კოდი ⁷	0413
12	სწავლების ენა	ქართული
13	ECTS კრედიტების ჯამური რაოდენობა	180
14	განხორციელების ადგილი ⁸	კოსტავას 77ა, თბილისი, საქართველოს უნივერსიტეტის IV კორპუსი, 0171, საქართველო
15	ამ გადაწყვეტილების ძალაში შესვლის თარიღი	2020 წლის 15 იანვარი
16	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა ⁹	ანგარიშის წარმოსადგენად განსაზღვრული ვადა - 6 თვე (2020 წლის 16 ივლისამდე)
17	აკრედიტაციის ვადის გასვლის თარიღი	2027 წლის 15 იანვარი

¹ დეტალური სწავლის სფეროს შესაბამისი

² ავტორიზებული ან/და ხელახალი აკრედიტაცია; ავტორიზებული ან/და ახალი აკრედიტაცია

³ საგანმანათლებლო პროგრამის დასახელების ცვლილების შემთხვევაში

⁴ ბაკალავრიატი; მაგისტრატურა; საბაკალავრო-სამაგისტრო; დოქტორანტურა

⁵ ეროვნული კვალიფიკაციების ჩარჩოს მიხედვით

⁶ მასწავლებლის მომზადების ინტეგრირებული საბაკალავრო-სამაგისტრო საგანმანათლებლო პროგრამის

ან მასწავლებლის მომზადების საგანმანათლებლო პროგრამის შემთხვევაში

⁷ სწავლის სფეროების კლასიფიკატორის შესაბამისი დეტალური სფეროს ოთხნიშნა კოდი

⁸ ქვეყანა, ქალაქი/მუნიციპალიტეტი, საფოსტო ინდექსი, ქუჩა, ქუჩის ნომერი

⁹ საბჭოს მიერ რეკომენდაციების შესრულების თაობაზე ანგარიშის წარმოდგენის შესახებ/მონიტორინგის

განსახორციელებლად გადაწყვეტილების მიღების შემთხვევაში

თავმჯდომარე

მდივანი